

mis, & leur faire iurer amitié les vns enuers les autres, & qu'à ceste fin il retourneroit vers eux le plustost qu'il pourroit, & luy partant d'avec eux ils le conduirent iusques à quatre iournées de leur village; & de là s'en vint en la contrée & village des Atinouaentans, ou i'auois des-jà esté, & là demeura ledit Brulé quelque temps; puis reprenant chemin vers nous, il passa par la Mer douce, & navigea sur les costes d'icelle quelques dix iournées du costé du Nort, ou aussi i'auois passé allāt à la guerre, & eust ledict Brulé passé plus outre pour decouvrir les tetres de ces lieux; comme ie luy auois donné